



Dana: 10.05.2024.godine

**OBAVJEŠTENJE : Ostvarivanje prava na naknadu za rođenje trećeg i svakog narednog živorođenog djeteta u 2024.godini**

U skladu sa donešenom Odlukom vlade USK-a, objavljujemo u prilogu Instrukciju o bližim uvjetima ostvarivanja prava na naknadu za treće i svako naredno živorođeno dijete u USK-u za 2024.godinu.

**NAPOMENA:**

- Pravo na ovu naknadu imaju svi roditelji čije dijete je rođeno kao treće (ili svako naredno) u 2024.godini;
- Zahtjev za ostvarivanje ovog prava se podnosi u roku od 45 dana od dana rođenja djeteta;
- U slučaju da je dijete rođeno u 2024.godini, ali prije stupanja na snagu ove instrukcije 24.04.2024.godine, rok za podnošenje zahtjeva je 45 dana od dana stupanja instrukcije na snagu odnosno do 07.06.2024.godine.

V.D. DIREKTORA CENTRA:

Mr.scr. Amelā Toromanović





Na osnovu člana IV. Odluke o isplati naknade za treće i svako naredno živorođeno dijete u Unsko-sanskom kantonu za 2024. godinu broj: 03-02-51-569/2024 od 19.04.2024. godine, ministrica Ministarstva zdravstva, rada i socijalne politike donosi:

**Instrukciju**  
**o bližim uvjetima ostvarivanja naknade za treće i svako naredno živorođeno dijete u**  
**Unsko-sanskom kantonu za 2024. godinu**

Član 1.

**(Predmet)**

Ovom instrukcijom se uređuju bliži uvjeti i postupak ostvarivanja prava na naknadu za treće i svako naredno živorođeno dijete u Unsko-sanskom kantonu u 2024. godini.

Član 2.

**(Korisnici prava/naknade)**

Pravo na naknadu može ostvariti jedan od roditelja djeteta rođenog u 2024. godini, u porodici kao treće ili svako naredno živorođeno dijete.

Član 3.

**(Visina naknade)**

Iznos naknade iz člana 1. ove Instrukcije utvrđuje se u visini od 500,00 KM jednokratno.

Član 4.

**(Podnošenje zahtjeva)**

Zahtjev za ostvarivanjem prava na naknadu podnosi se centru za socijalni rad prema mjestu prebivališta podnosioca zahtjeva u roku od 45 dana od dana rođenja djeteta.

Rok iz prethodnog stava ovog člana primjenjuje se od dana donošenja ove Instrukcije.

Član 5.

**(Podnošenje zahtjeva za djecu rođenu u decembru tekuće/kalendarske godine)**

Zahtjev za priznavanje naknade za treće i svako naredno živorođeno dijete rođeno u toku mjeseca decembra tekuće/kalendarske godine u kojoj je donijeta Odluka Vlade Unsko-sanskog o visini naknade za treće i svako naredno živorođeno dijete, podnosi se u roku od 45 dana od dana rođenja djeteta.

Rješenja o priznavanju prava na naknadu iz prethodnog stava ove instrukcije, koja budu donijeta do 31. 12. 2024. godine i dostavljena nakon pravosnažnosti istog radi isplate, do 20. 01. 2025. godine, teretit će i biti isplaćena iz Budžeta za 2024. godine.

Rješenja donijeta poslije 31. 12. 2024. godine teretit će budžet naredne kalendarske godine.

Član 6.

**(Dokumentacija)**

Uz zahtjev za ostvarivanje prava na naknadu za treće i svako naredno živorođeno dijete u Unsko-sanskom kantonu za 2024. godinu, prilaže se slijedeća dokumentacija:

1. potvrde o prijavi prebivališta za roditelje,
2. izvodi iz matične knjige rođenih za novorođenu dijete/djecu,
3. izvodi iz matične knjige rođenih za ostalu djecu,
4. potvrda da drugi roditelj nije ostvario isto ili slično pravo na području drugog grada/općine u Bosni i Hercegovini (u slučaju da drugi roditelj ima prijavljeno prebivalište na području drugog grada/općine u BiH),
5. broj transakcijskog računa za podnosioca zahtjeva.

Član 7.

**(Blizanački porodi)**

U slučaju blizanačkih poroda u porodicama koje imaju jedno dijete, podnosiocu zahtjeva pripada naknada od 500,00 KM, a u situacijama blizanačkih poroda kod porodica koje imaju dvoje i više djece, podnosiocu zahtjeva pripada naknada za svako novorođeno dijete (1000 KM).

Član 8.

**(Obaveza informiranja korisnika)**

Obavezuju se centri za socijalni rad da na transparentan način (objavom na službenoj stranici ili oglasnoj tabli ustanove) informiraju korisnike o rokovima za podnošenje zahtjeva iz člana 4. i 5. ove Instrukcije.

Član 9.

**(Stupanje na snagu)**

Instrukcija stupa na snagu danom donošenja.

Broj: 09-41-4278- 6 /24  
Bihać, 24.04.2024. godine



MINISTRICA  
Zemina Kadirić

*Zemina Kadirić*